



UNIVERSITÄTS-
BIBLIOTHEK
PADERBORN

Universitätsbibliothek Paderborn

Stimvlvs Compvnctionis, Et Soliloqvia

Juan <de Jesús María>

Coloniae, 1611

De consideratione patientiæ Dei expectantis hominem ad pœnitentiam.
Cap. 20.

urn:nbn:de:hbz:466:1-45624

gnoscens tanti boni magnitudinem perseuerabis in intima conuersione tua, & in pretiosissima gratia mea.

*De consideratione patientiae Dei expectatio
tus hominem ad pœnitentiam.*

C A P. XX.

Multa sunt, & admirabilia beneficia mea, fili charissime, quæ te ad compunctionem mouere, & interioribus flammis vrere deberent! Sed considera saltē vnum ex illis, quod est quotidianum argumentum infinitæ bonitatis, & misericordiæ meæ. Ego sustento te, tribuens tibi vitam, & inspirationem, & omnia bona, quæ habes: omne quippe bonum à me descendit. Ego mitto tibi multas inspirationes, quasi nuntios meos inuitantes te ad pacem, & vitam, qua nihil amabilius est. Ego moueo impulsibus spiritus mei interiora tua etiam dum peccas, & repugnas dulcissimæ legi meæ. Ego præseruo te peccantem à maioribus malis, præseruo ab extremo malo æterni supplicij, quod mereris. Quomodo ergo resistis tantæ benignitati? Quomodo non mouet cor lapidatum tuum infinita mansuetudo mea? An ignoras, quod patientia mea ad

C 5. pœ-

pœnitentiam te adducit? cur ergo secundum duritiam tuam, & impœnitens cor thesaurizas tibi iram in diem iræ, & iusti iudicij mei? Ego per secratam eruditio-
nem meam, qua tango viscera tua cru-
delia, quæro mansuetare te: & tu per in-
ternam duritiam repellis misericordiam
meam. Ego sto ad ostium, & pulso des-
iderans habitare in thalamo animæ tuæ,
quam redemi: & tu obturas aures, ne sen-
tias ictus meos, quasi essem fur aliquis,
qui vellet furari bona domus tuę: Non
est utilis, fili, ingratitudo hæc, quam qui
audierit, expauescet. Quis enim audiuit
vñquam talia, & tam horribilia, quæ fecit
adultera anima tua? Quis credet me De-
um Redemptorem, & Amicum tuum tā
sollicitum esse salutis tuæ, ac si nihil aliud
in gubernatione mundi cogitarem; & te
è contrariò esse adeò durum, & infide-
lem, vt nihil aliud videaris cogitare, quā
quomodo resistas diuinæ charitati meę?
Cesset ergo iam, fili, stultitia hæc, qua
multiplicas peccata sine fine, & disce
gratitudinem, & fidelitatem, quam de-
bes fidelissimo Domino, & custodi tuo.
Satis expectavi te repugnantem, & ante-
ponentem amores terrenos cælesti amo-
ri mco: conuertere ergo nūc ex toto cor-
de,

de, & require me, vt salvam facias ab innumerabilibus hostibus animam tuam.
Tempus breve est: ne patiaris transire dies istos paucos, quos ad negotiandum, assignauit tibi; vt acquiras bona mercatura, aeternas diuitias regni mei. Si audieris me monentem, & inuitatem, ego ero valde liberalis, & misericors: & quicquid perdidisti, tot diebus, quibus offendisti me, reparabis superueniente gratia, & liberalitate mea. Hæc sit, fili charissime, sapientia tua: hæc sit prudentia tua: caue ne nimis proteruè prouoces me ad iram, & abutaris infinita patientia mea, sicut stulti multi fecerunt, quos nunc torquet Inferni flamma. Sequere consilia filiorum meorum, qui tremunt ad sermones meos & preueniunt mansuetissimo corde faciem meam: & ego mittam tibi largum imbre misericordie, & implebo dulcissima consolatione fatigata viscera tua.

De beneficijs diuinis quæ in commune considerata mouent ad compunctionem.

CAP. XXI.

COR tuum, fili, nimis durum est. Cū enim nocte & die non cesses acci-

C **C** **pere**